



UKA 2018/25
12. oktober 2018
Bentiaraq Ottosen

Uunga siunnersuut: Sermip engullu niuernikkut iluaqutigineqarnissaat pillugu Inatsisartut inatsisaat nr. xx, xx. xxx 2018-imeersoq

(Inuusutissarsiornermut Nukissiuuteqarnermullu Naalakkersuisoq)

Nuna isorartooq imminut pilersortoq, pisuussutinik ulikkaartoq, periarfissarpassuarnillu ineriartortitsinissamik siunnerfeqartoq qularnaarneqassaaq. Avatangiiseq pinngortitarlu minguiissusilik inuuffigissallugu kiffaangissusermik tunioraajuartoq ineriartorfiussaaq.

Nunatsinni sermip engullu niuernikkut tunisassiarineqarnissaanik periarfissanik ulikkaarpugut, namminerli iluaqutissatsinnik tunisassiorfeqarnitsigut sermip engullu niueritigineqarnissaanik pinngortitap minguiissusaanik imminut pilersornerulernissatsinnik periarfissippaatigut.

Qineqqusaarnermi tamavitta uteqattaartuarparput imminut pilersornissatsinnik tamaviaaruteqarnissarput, engup niuerutigineqarnissaa, nunattalu siunissaa pillugu suliniuteqarluta pinngortitap tunissutigisaa sallinneqarnissaalu tamavitta pingaartipparput.

Nunatsinni sermip engullu tunisassiarineqarnissaanik siunnersuuteqarnek Atassummiit tapersorsorluinnarparput, niueqatigiinnikkummi ineriartortitsinerup iluaqutigineqarsinnaanera nunatsinni aningaasaqarnikkut siunissamut suliffeqarfinnut aningaasaliinerummat soqutigaarput. Taamatunik pilersitsineq inuiaqatigiinni aamma Namminersorlutik oqartussat suliffeqarfiutaannut iluaqutaalluinnassaaq, periarfissammi aamma allat ineriartortinneqarnissaannut tapertaalluarsinnaammat.

Nunatta avataani niuernikkut unammilleqatigiinnermi annertuumik kinguneqartitsinnaasaaq. Tunisassiornermi niuernikkut annertuumik piumaneqassuseqarnera apeqquuserneqarsinnaanngilaq.

Atassummiit inatsisissaq Naalakkersuisunit saqqummiunneqartoq tunngaviusumik taperserparput.

Kalaallit nunaanni usinik assartuussisarnek pillugu inatsisaasumik avaqqussisinnaaneq pillugu aaliajangersaasoqarniarpoq, tassa kismaassisussaatitaanermik pisinnaatitsissut maluginiaqquneqarluni. Tamanna Atassummiit taperserparput, uani assartuussinissamut avaqutaarisinnaanermut tunngasuummat.

Suliami pineqartoq §12 imm. 2 malillugu kismaassisussaatitaaneq imaluuniit kismaassisussaatitaanani atuinnisaq pineqarpoq. Atassummiit pingaarnertut taarusutarput unammilleqatigiinnermik kinguneqartitsinissaq niuernerup avammullu nittarsaassinerup iluaqutaalluarnissaa pingaarnerusoq. Pisortammi suliffeqarfiutai pilersuisut najukkami



pilersuisussaataasut sermimik imaluuniit imermik suliffeqarfiup pilersuisussaataanermigut pisariaqartumik atuisinnaanissaat qulakkeerpeqartussaammat.

Siunissaq ungasinnerusq eqqarsaatiginerullugu sermip erngullu pisariaqavissumik tunisassiarinissaanut niueqatigiinneq piusariaqarpoq, nioqqutissanik piumaneqassuseq avammut nittarsaassinikkut nunatta nittarsaanneqarnissaa iluaqutaassaaq.

Taamaattumik takornarniaqarnikkut ineriartortitsinermut iluaqutaanerpaassaaq tunisassiornikkut piaartumik tusaamasaassutigilersinnaammagu. Atassummiit isumaqarpugut tamanna pingaaruteqarluinnartuusq namminersortutut imaluuniit Namminersorlutik oqartussat suliffeqarfiutaanik pilersitsinikkut tamanna qularnaarneqartussaasasq.

Nunatta karsianut iluanaarutit avammut niueqateqarnermi akileraarusersuinissamut peqqinnartumik inuiaqatigiinni kinguneqartussaavoq. Tamanna peqqutigaa siunissamut aningaasaliinerummat suliffeqarfiullu ineriartorneranut piviusorsiorititsinerussammallu.

Naalackersuisut nalunaarusiaanni 2018-ip aallartinnerani misissueqqissaarnissamut akuersissutit arfinillit nioqquteqarnissaannut siunertat atuinissamut akuersissutit, taakkunanngali tallimat tunniunneqartareersimapput. Atassummiit tamanna soqutiginaateqartutut isigaarput, tassami piumaneqassuseq annertuumik takuneqarsinnaammat nunatta pissarititaanik imminut nappattumik ingerlatsinikkut ineriartortitsisoqarniarmat.

Taamatut oqareerlunga, Atassummiit tamanna taperseratsigu aappassaaneerpeqannginneranilu ataatsimiisitaliaq susassaqtumut innersuupparput.